

## V PREMIO DE NARRACIÓN E ILUSTRACIÓN INFANTIL E XUVENIL

### **“PURA E DORA VÁZQUEZ”**

Para continua-la labor que vén desenvolvendo esta Deputación para a normalización lingüística e a promoción da lectura en idioma galego, considérase pertinente convoca-lo V PREMIO DE NARRACIÓN E ILUSTRACIÓN INFANTIL E XUVENIL “PURA E DORA VÁZQUEZ”.

Por todo isto, propónse a convocatoria do referido premio, con suxeición ás seguintes bases:

A Excma. Deputación de Ourense convoca a segunda edición do premio “Pura e Dora Vázquez” de literatura infantil e xuvenil, nas modalidades de narración e ilustración, dotado con 6.000 euros para a totalidade das súas modalidades e que se rexerá polas contías económicas de cada unha delas, que se indican de seguido e polas seguintes bases:

- A.** Modalidade narración: 3.000 euros
- B.** Modalidade ilustración: 3.000 euros

#### A) BASES MODALIDADE NARRACIÓN:

- 1.- A este premio poderán concorrer todos aqueles autores de calquera nacionalidade que presenten os seus orixinais en lingua galega. Os textos presentados han de ser inéditos e totalmente orixinais.
- 2.- De cada orixinal presentaranse seis copias, en papel tamaño folio ou en holandesa, meconagrafados a dobre espazo e só por unha cara, antes do día 12 de setembro de 2007, no Rexistro xeral da Excma. Deputación provincial de Ourense, rúa do Progreso, 32, 32003 Ourense.
- 3.- Co orixinal, que se presentará baixo lema, achegaranse, en sobre pechado, o nome completo, enderezo e teléfono do autor, así como

o título do libro, indicando no sobre: para o V Premio “Pura e Dora Vázquez”.

- 4.- Para esta modalidade de narración establécese un premio de 3.000 euros.
- 5.- O xurado estará composto polos seguintes membros: O Sr. Presidente da Excma. Deputación de Ourense (ou persoa, para o efecto, en que el delegue) e catro vocais escollidos dos distintos ámbitos da Cultura de Galicia. Actuará de Secretario o da Deputación ou persoa en quen delegue ( con voz e sen voto).
- 6.- A composición do xurado darase a coñecer en data que se comunicará oportunamente e este emitirá o seu dictame ou resolución no mes de outubro de 2007.
- 7.- O acto de entrega do V Premio “Pura e Dora Vázquez”, nesta modalidade de narrativa, será o día, no lugar e á hora que se comunicarán oportunamente.
- 8.- O premio poderá ser declarado deserto, no caso que o xurado así o considere, e a decisión deste será inapelable.
- 9.- A Excma. Deputación de Ourense, que se reserva tódolos dereitos de edición sobre a obra premiada en tódalas linguas do Estado, coa posibilidade de cederlles tales deretos a terceiros, poderá publicar esta sen limitación do número de exemplares nin de edicións. Os cinco mil primeiros exemplares vendidos estarán libres do pagamento de dereitos de autor. O beneficiario do premio, que se compromete a renunciar, expresamente, a calquera pretensión sobre os devanditos dereitos, recibirá gratuitamente cen exemplares da obra premiada.
- 10.- Os orixinais non premiados poderán retirarse nos dous meses seguintes ó veredicto. Os que non se retiren, serán destruídos.

A participación nesta convocatoria requirirá a aceptación das normas contidas nas presentes bases, así como as decisións do xurado, que se teña designado, que serán inapelables.

## B) MODALIDADE ILUSTRACIÓN:

- 1.- Poderán concorrer ó premio tódolos ilustradores de calquera nacionalidade que presenten as súas ilustracións inéditas e orixinais, non menos de dez, tomando como base o texto premiado na modalidade de narración deste V Premio “Pura e Dora Vázquez” e a el referidas.
- 2.- O conxunto de ilustracións orixinais serán presentadas antes do día 20 de decembro de 2007, no Rexistro xeral da Excma. Deputación de Ourense, rúa do Progreso, 32, 32003 Ourense.
- 3.- Coas ilustracións, que se presentarán, no seu conxunto, baixo lema, achegarase, en sobre pechado, o nome completo, enderezo e teléfono do autor.
- 4.- Para esta modalidade de ilustración establécese un premio de 3.000 euros.
- 5.- O xurado estará formado polos seguintes membros: O Presidente da Excma. Deputación de Ourense (ou persoa que el designe oportunamente) e catro vocais escollidos dos distintos ámbitos da Cultura de Galicia. Actuará de Secretario o da Deputación ou persoa en quen delegue (con voz e sen voto).
- 6.- A composición do xurado darase a coñecer, así como o dictame ou resolución deste, en datas, que se comunicarán, oportunamente, nos medios de comunicación.
- 7.- O premio poderá ser declarado deserto, no caso no que o xurado así o considere, e a decisión deste será inapelable.
- 8.- A Excma. Deputación de Ourense, como propietaria das obras, resérvase tódolos dereitos de edición sobre as obras premiadas, en tódolos ámbitos e linguas do Estado, coa posibilidade de cederlles tales dereitos a terceiros, e poderá libremente publicar estas sen limitación de número nin de edicións. O beneficiario ou beneficiarios do premio comprométense a renunciar, expresamente, a calquera pretensión sobre os dereitos da obra ou das obras relativas ós cinco mil primeiros exemplares. O premiado ou premiadas recibirán gratuitamente cen exemplares.

9.- Os orixinais non premiados poderán retirarse na Excma. Deputación de Ourense, nos dous meses seguintes á resolución do premio. Aqueles que así non se retiren, poderán ser destruídos.

A participación nesta convocatoria e modalidade de ilustración requirirá a aceptación das normas contidas nas presentes bases, así como a decisión do xurado que se teña designado, que serán inapelables.

## PROMOCIÓN DA LECTURA:

A Excma. Deputación de Ourense publicará a obra premiada, tanto o texto como as ilustracións, e distribuirá gratuitamente os exemplares necesarios para os centros de lectura da provincia de Ourense (bibliotecas, centros de ensinanza, asociacións e entidades culturais).

Ourense, xullo de 2007